

Naalakkersuinikkut sulinermut aningaasatigut tapiissuteqartarnek pillugu Inatsisartut inatsisaata allanngortinneqarneranik Inatsisartut inatsisissaattut siunnersuut.

(Suleriaaseq pillugu Ataatsimiititaliaq)

Akissuteqaat

(Inatsisartut Siulittaasuat)

Aappassaaneerineq

Taama sivikitsigisumik piffissaqartinneqarluni ataatsimiititaliap sukumiilluinnartumik sulisimanagera isumaliutissiissuteqarneralu pillugit Suleriaaseq pillugu Ataatsimiititaliap Inatsisit Atortinneqarnerannut Ataatsimiititaliaq qutsavigaa.

Taama iluseqarluni siunnersuut akuersissutigineqassasoq Inatsisit Atortinneqarnerannut Ataatsimiititaliap isumaqatigiittup inassutigimmagu Suleriaaseq pillugu Ataatsimiititaliap nuannaarutigaa.

Siullermeerinermi taamatullu ataatsimiititaliami sulinermi partiit tamarmik siunnersuummut akuersaarsimanagerat Suleriaaseq pillugu Ataatsimiititaliap qujassutigaa. Taamaalillunilu siunnersuut pillugu isumaqatigiinnerup taama annertutiginera siunnersuutip atortuulersinneqarnissaanut pitsaanerpaamik tunngavissiivoq.

Aningaasarsiaqartitsinermit inatsisip allanngortinneqarsinnaanera siunertaralugu paasisassarsiorluni angalasarnermut aqqissuussinerup annertusineqarsinnaanera pillugu siullermeerinermi kissaatitut saqqummiunneqartup Suleriaaseq pillugu Ataatsimiititaliamit oqaluuserineqarnissaa Inatsisit Atortinneqarnerannut Ataatsimiititaliap isumaliutissiissummini kaammattuutigaa. Taama kaammattuisoqarnera Suleriaaseq pillugu Ataatsimiititaliamit maluginiarneqarpoq, isumaqarlunili inatsisip allanngortinneqarnissaanik suliniuteqartoq tassaasariaqartoq partii kissaammik tamatuminnga saqqummiussisoq.